

ceps nummum percussit , *Medianinum* vulgo nomi- 1333
natum .

Creverant non mediocriter per id tempus Scalano- 1336
rum opes : ut intra alpes quam longe lateque Cisalpina *Scalanorum*
Gallia patet , nemo esset qui non eorum potentiam re- *potentia* .
formidaret . Nam præter Veronam , Vincentiam , Bri-
xiam , quas aliquanto prius possederant , Parmam , Ru-
briis fraude ejectis , noviter occupant , Feltrum , Bel-
lunnum , Cenetamque jam antea Joanni Boemiæ Regi
ademerant ; Taurisium quoque Scalanae tunc erat ditio-
nis , ut quidam auctores sunt , & imprimis rerum
Venetarum scriptores . Forlivienfis Blundus Venetorum
fuisse Taurisium scribit , quum adversus Mastinum Sca-
lam primo cœptum est bellari : sed illi idcirco non
accedo , quia nullum ad eam diem oppidum Venetos
in continenti habuisse reperio . Constaret , si ita esset ,
aliquo modo , quo tempore , quove jure Veneti tam
illustrem urbem suam fecissent ; quin probabilius il-
lud , quod cæteri habent , eo bello quod est cum
Mastino gestum (de quo nobis dicendum est) Tauri-
sium Veneti imperii esse factum . Patavium quoque (ne
quid ad tantos deesset successus) haud multo ante quam
sumpta sint arma , illi subegerant . Urbem ipsam ob ci-
vium discordiam Marsilius Carrarius (sed pro Marsilio
Ubertinum apud quosdam reperio) quoniam in pristi-
na libertate retinere non posset , in servitutem recide-
re passus erat . Verum , quia tam facile cesserat , per-
missum a Scalanis ut suo nomine publicæ administratio-
ni Carrarii præessent . Tanto igitur rerum successu ela-
tus Mastinus (ut est humana cupiditas , quæ longe
minus in secundis rebus quam in adversis novit ser-
vare modum) Venetas opes sollicitaturus munitionem
in stagnis , haud longe a Petabubula , tumultuario ope-
re erigit , erectamque valido firmat præsidio . Veneti ,
qui non ignorabant quorsum tenderent illius consilia ,
& ipsi haud procul inde locum communiunt . Inte-
rim cœptum est inter Patres consultari , qua vi , quave
arte